

Allannguutissatut siunnersuut

uunga

**Uunga siunnersuut: Nunami inuussutissarsiuutinut tunngatillugu
inuussutissarsiornermik siuarsaneq pillugu Inatsisartut inatsisaata
allanngortinneqarnera pillugu Inatsisartut inatsisissaat**

(Annikitsunik taarsigassarsitsisarnermik aaqqissuussinermi atorunnaarsitsinissamik ulluliinerup atorunnaarsinnejnarnera, qinnuteqartunut piumasaqaatinik sakkukinnerulersitsineq, pisortanut annertuunik akiitsulinnut tapiissuteqartarnerup killilerneqarnerata atorunnaarsinnejnarnera aamma allatigut oqaasertalerneqarnera allannguutit annikitsut)

Pingajussaanneerneqarnissaanut Naalakkersuisunit saqqummiunneqartoq

Siunnersuutip qulequutanut

1. Siunnersuutip qulequataa imatut oqaasertalerneqarpooq:

”Uunga siunnersuut:

**Nunami inuussutissarsiuutinut tunngatillugu inuussutissarsiornermik siuarsaneq
pillugu Inatsisartut inatsisaata allanngortinneqarnera pillugu Inatsisartut inatsisaat**

(Annikitsumik taarsigassarsitsisarnermik aaqqissuussinermut atorunnaarfissaannut ulluliussap atorunnaarsinnejnarnera, qinnuteqartunut piumasaqaatinik qasukkartitsineq, inunnut pisortanut annertuunik akiitsulinnut tapersiinissamut killiliinerup atorunnaarsinnejnarnera aammalu aaqqissuussinermi allanngortitsinerit annikinnerusut allat)”

§§ 1-2-mut

2. §§ 1-2 imatut oqaasertalerneqarput:

”§ 1

Nunami inuussutissarsiuutinut tunngatillugu inuussutissarsiornermik siuarsaneq pillugu Inatsisartut inatsisaanni nr. 20, 3. december 2012-imeersumi, Inatsisartut inatsisaanni nr. 4, 3. juni 2016-imeersumi, Inatsisartut inatsisaanni nr. 27, 17. november 2017-imeersumi aamma Inatsisartut inatsisaanni nr. 21, 1. december 2021-meersumi allanngortinneqartumi, makkua allanngortinneqarput:

1. Inatsisartut inatsisaata qulequataa imatut oqaasertalerneqarpooq:

”Nalinginnaasumik inuussutissarsiuutnik siuarsaneq pillugu Inatsisartut inatsisaat.”

2. § 1 b, imm. 1, imatut oqaasertalerneqarpoq:

”Suliffeqarfut minnerusut aningaasalersuutissarsiniartarnerisa ajornanninnerulersinnissa siunertalugu, annikitsunik taarsigassarsititsisarnermik aaqqissuussinermut aningaasalersuutissanik, aningaasaliissutnik ataatsimoortunik pilersitsisoqassaaq.”

3. § 1 b, imm. 3, atorunnaarsinneqarpoq.

4. § 2, imm. 1, imatut oqaasertalerneqarpoq:

”Inatsisartut inatsisaanni nalinginnaasumik inuussutissarsiuutnut tapersiisarneq pineqartunut ilaatinneqarpoq.”

5. § 7, imm. 4, oqaaseqatigijit aappaat, imatut oqaasertalerneqarpoq:

”Ingerlatsinermi aningaasaqarnikkut nalilersuinermi qinnuteqartup sulianut aqtsinermullu piukkunnassuseqarnerinik, qinnuteqartup aningaasaqarneranik aammalu ingerlatsinissamut pilersaarutip aalajangersimasup attanneqarsinnaaneranik nalilersuineq ilaatigut ilaatinneqassaaq, taamaattoq takuuk imm. 5.”

6. § 7-imi, imm. 5-itut ilanngunneqarpoq:

”*Imm. 5. Tapersiinissaq annikitsunik taarsigassarsititsinertut ittoq pillugu neriorsuuteqarneq, qinnuteqaatip ingerlatsinermut aningaasaqarnikkut inuiaqatigiillu aningaasaqarnerannut nalilersorneqarnera tunngavigalugu tunniunneqassaaq. Ingerlatsinermi aningaasaqarnermut nalilersuinermi, ingerlatsinissamut pilersaarutip aalajangersimasup attanneqarsinnaassusaanik nalilersuineq, taamaallaat ilaatinneqassaaq.*”

7. § 8, imm. 2, imatut oqaasertalerneqarpoq:

”*Imm. 2. Tapiiffiqeqarnissamik neriorsummik tunniussisoqarsinnaanngilaq, pissarsisussaq imaluunniit pisortaaneqarfimmi siulersuisuniluunniit inuit aqtsisuusut akileraartarnermi inatsimmik annertuumik unioqqutitsisimasutut imaluunniit Kalaallit Nunaanni pinerluttulerinermi inatsimmi aningaasarsiornermi pinerluuteqarnermut aalajangersakkanik unioqqutitsisimasutut pineqaatissinneqarsimappata imaluunniit pisortanut akiitsoqarpata annertuunik akiligassanngorsimasunik, taamaattoq takuuk imm. 3.*”

8. § 8-mi imm. 3-tut nutaatut ilanngunneqarpoq:

”*Imm. 3. Annikitsunik taarsigassarsititsinissaq pillugu neriorsuuteqarnermi, qinnuteqartoq pisortanut annertuunik akiitsoqarnersoq, isiginiarneqassanngilaq.*”

Imm. 3 tamatuma kingorna imm. 4-nngorpoq.

§ 2

Inatsisartut inatsisaat ulloq 1. januar 2025 atuutilerpoq.”

Siunnersuummut nassuaatit

Nassuaatit nalinginnaasut

Allannguutissatut siunnersuummut siunertaavoq, Inatsisartut inatsisaata kalaallisoortaata aamma danskisoortaata oqaatsitigut imminnut naapertuunnerannik qulakkeerinissaq.

Tamatuma saniatigut, taamaallaat annikitsunik taarsigassarsitsinermut piumasaqaatit, qinnuteqartup naammassisimasassaasa, qasukkartinneqarnissaat, siunnerfigalugu allanngortitsisoqarpoq.

Inatsisissatut siunnersummi aalajangersakkanut ataasiakkaanut nassuaatit

Nr. 1-2-mut

Siunnersuutip nutserneqarnera pillugu allannguutissatut siunnersummi nassuaatit nalinginnaasut innersuussutigineqarput.

Tamatuma saniatigut allannguutissatut siunnersummi § 1, nr. 5-8-mi allannguutit ilanngunneqarput. Taamaallaat annikitsunik taarsigassarsitsinermut piumasaqaatit, qinnuteqartup naammassisimasassaasa, qasukkartinneqarnissaat qulakkeerniarlugu allanngortitsisoqarpoq.